


Kumtluang

BU NGANA



Pawl-V Mizo

HNAM INPUMKHATNA

R. Lallianzuala

Mihringte hi nung ho tura Pathian siam kan ni a. Inpumkhat leh inlungual taka khawsa tur kan ni. Eng ram pawhin a mamawh ber pakhat chu hnam inpumkhatna hi a ni. India mite hi hnam hrang, tawng hrang leh culture hrang hrang nei, sakhaw hrang hrang biate ni mah ila, kum hei leh chen hi inngeih dial dialin kan khawsa thei a ni.

India Prime Minister hmasa ber Pu Nehru-a chuan India rama mipui hi huan zau tak pakhata pangpâr rawng chi hrang hrang mawi taka pâr vul chûk hi a tehkhin a. Chung pangpârte chu a par dan leh a rawng te, len lamah te inang lo mah se, an zavaia mahni nih dan tur ang theuhva an par chuan huan duhawm tak, pangpâr mawi hlira khat a lo ni thei ta angin, he India ramah hian hnam tin zalen takin kan cheng ho va. Kan ram kan hnam timawitu kan ni thei theuh a ni.

India ram hi khawvêla ram zau ber chu a ni lo nain, mihring tam lamah erawh chuan India ram lêt dâwn laia zau China dawttu kan ni. India ram lêt thum vela zau America ram ai pawhin mihring chêng kan thahnem zâwk a. Heti khawpa tam mi chi hrang hrang hi khawsa ho mah ila, ram dan bawhchhe lova thuawih tak leh tihnuam taka kan awm chuan ram ropui leh zahawm takah kan ram hi kan siam thei a ni.

India ramah hian hnam hnufual leh hnam têngu humhalh bik ngai eng emaw zât an awm a. Chung zinga thenkhat chu Mizote leh Arunachal Pradesh-a mite hi an ni. Hnam lian zâwk leh tam zâwkten an chim ral mai loh nan an State-ah mi tin duh duhin an luh phal a ni lo va. Phalna bik (Inner Line Permit) neite chauhvîn India ram hmun dang aţang leh India ram pâwn aţangin an tlawh phal a ni a. Mi tha pangngai leh dan zâwmte tan Inner Line Permit hmangin eng lai pawhin zin luh theih reng tho a ni a. Hnam inpumkhatna tichhe tur ni lova tinghet zual sauh sauh turin intlawh pawh tawn hi a ţangkai êm êm a ni.

Tawng thiam hi hnam inpumkhatna hmanraw ţangkai tak pakhat a ni bawk. Hnam dang tawng tlem tal pawh kan thiam loh chuan anmahni nêen kan inpumkhat thei thin lo. English emaw Hindi emawa kan biak theithe nen chuan kan inthian nghal thei thin. Assamese emaw, Bengali emaw, Nepali emaw hmangete pawh anmahni tawnga kan biak theih chuan kan inngeih sawt thin. Hnam dangte pawhin Mizo tawnga min biak theih chuan kan innêl thei nghal mai. Chuvangin, tawng chi hrang thiam tam hi hnam inpumkhatna atana hmanraw ţangkai tak a ni a, thu a sawia sawi theih bâkah an hlate sak thiam tel hi a ţangkai êm êm bawk.

Engte nge hnam inpumkhatna tichhe theitu chu? Mahni hmasialna avang te, mi dang itsikna avang te, India Danpui pawisak lohna avang tein hnam inpumkhatna hi mi tu pawhin a tichhe thei a. Heng lakah hian inven fimkhur a tûl tak meuh a ni. India Danpuiin mi tin chanvo leh hamthamna tur min ruahmansak te duh khawp lova sawrkar laipui laka hel chin te, phal loh thil zawrh leh hnam dang kawm ngeih duh lohte hi hnam inpumkhatna dâltu lian zual deuh deuhthe chu a ni a. Heng hi a lo thlen loh nân sawrkar laipui pawhin theihtawp a chhuah thin.

Hnam inpumkhatna tihngheh deuh deuh nân kawng hrang hrangin hma a lâk theih. Infiamna neih ho te, hnam lâm inentir tawn thin te, hmun pawimawh intlawh pawh tawn te, Republic Day leh Independence Day-a State hrang hrang mi Delhi khawpua inhmuh khawm te hi tuna hmanraw hman mêk tlanglawn zualte chu a ni a. Tin, hnam inpumkhatna intawh khawm (National Integration Camp) an tih ang te pawh state hrang

hrangah a inchnhâwkin nghah kual a ni bawh thîn a. India rama state hrang hranga sikul naupangte tan kum 1976 khan a thum khatna atan National Integration Camp hi Mizoramah nghah a ni ve tawh nghe nghe.

Vun rawng inan lohna te, thawngh hranna leh sakhaw biak danglamna te hi hnam inpumkhatna dâltu atan hman rêng rêng tur a ni lo. Ram ropui tak ni tur chuan mi chi hrang tam tak kan chen ho a thul a. Khua leh tui rinawm tak, dân zâwm peih mi leh mi dangte tana thangkai ni thei tura thawk rim kan nih theuh phawt chuan kan ramah hian eng lai pawhin hnam inpumkhatna hi a pâr vul reng dâwn a ni.

TIH TURTE

1. Heng zawhnate hi chhâng rawh.

(a) India ram hi khawvêla ram zau ber leh mihring tamna ber a ni em?

(aw) India ram Prime Minister hmasa ber kha tu nge ni a, India ram hi eng nen nge a tehkhin?

2. Hnam inpumkhatna tichhe theitute kha han ziaik teh.

3. Hnam inpumkhatna tihngheh dan kawng li tal ziaik rawh.

4. Hnam a lo pâr vul reng theih nana thil thangkaite kha han tar lang teh.

5. A kar âwlahte hian dah khat rawh.

(a) America hi India ram _____ vela zau a ni.

(aw) Eng ram pawhin a mamawh ber pakhat chu _____ hi a ni.

(b) Mizoram leh Arunachal Pradesh-a luh phalna hi _____ a ni.

(ch) Thawngh chi hrang thiam hi _____ atana hmanraw thangkai tak a ni.

(d) Hnam inpumkhatna intawh khawm hi Sâptawngin _____ an vuah.

6. Thawngh thiam pawimawhna hi in zirtirtu hovin sawi ula, ziaik bawh rawh u.

7. A dik zawnah 'D' dah la, a dik lo zawnah 'X' dah rawh.

(a) India ram hi khawvêl mihring tamna ber ram a ni.

(aw) Dân pawisak lohna avangin hnam inpumkhatna hi mi tu pawhin a tichhe thei.

(b) Mi chi hrang tam tak kan chên ho hian ram ropuina kan tichhe thei.

(ch) Hnam dangte nên an thawngh kan inbiak theih chuan kan inthian nghâl thei thîn.

(d) North East-ah hian state 6 lai a awm.

(e) Hnam dang kawm ngeih duh loh hi hnam inpumkhatna dâltu lian tak a ni.

Contents

1. [15](#)